


渭疑蒲

西得平相谷水又西得金里谷水又西得南室水  
又西得蹄谷水並出南山北流於略陽城東揚波  
北注川水又西逕略陽道故城北渥渠水出南山  
北逕渥峽北入城建武八年中郎將來歙與祭遵  
所部護軍王忠右輔將軍朱寵將二千人皆持鹵  
刀斧自安民縣之楊城未始二年成帝罷安定呼  
他苑以為安民縣起官寺市里從審領回中伐樹  
木開山道至略陽里下晚來歙二字審領當作番須埤按後漢書云來歙從番領回中伐樹木開山道至略陽夜襲擊囂拒守將軍金梁城等皆  
殺之因保其城囂囂聞略陽陷悉眾以攻歙激水

灌城光武親將囂走西城世祖與來歙會于此其  
水自城北注川一水二川蓋囂所竭以灌略陽也  
川水西得白楊泉又西得蒲谷水西得蒲谷西川  
又西得龍尾溪水與蒲谷水合俱出南山飛清北  
入川水水又西南得水洛口水源東導隴山西逕  
水洛亭西南流又得犢奴水口水出隴山西逕犢  
奴川又西逕水洛亭南西北注之亂流西南逕石  
門峽謂之石門水西南注略陽川略陽川水又西  
北流入瓦亭水瓦亭水又西南出顯親峽石巖水  
注之水出北山山上有女媧祠庖羲之後有帝女





媧焉與神農為三皇矣其水南流注瓦亭水瓦亭  
水又西南逕顯親縣故城東南漢封大鴻臚竇固  
為侯國自石宕次得蝦蟆溪水得金黑水又得宜  
都溪水咸出左右參差相入瓦亭水又東南合安  
夷川口水源東出更胡谷西北流歷夷水川與東  
陽川水會謂之取陽交又西得何宕川水又西得  
羅漢水並自東北西南注夷水夷水又西逕顯親  
縣南西注瓦亭水瓦亭水又東南得大華谷水又  
東南得折里溪水又東得六合水皆出近溪湍峽  
注瓦亭水又東南出新陽峽岨岫壁立水出其間  
謂之新陽岨水又東南流于渭是也

又東過上邽縣

渭水東歷縣北封山孫云封山當作邽山流宋本無之陰逕

固嶺北東一本無東南流蘭渠川水出自北山帶

佩眾溪南流注于渭渭水東南與神澗水合開山


圖所謂靈泉池也俗名之為石萬當作石灣淵深不

測實為靈異先後漫遊者多離宋本其斃渭水又

東南得歷泉水北歷泉溪東南流注于渭渭水又

東南出橋西亭西又南得藉水口水出西山百澗

聲流當作總成一川東歷當亭川即當亭縣治也





洋字以下所  
引山海經證  
非妄改

左則當亭水注之右則會席水又東與大弁州水

出西山

謝兆申云此有脫誤當云又東與大弁州水合水出西山二源合注東

歷大弁川東南又當作注于藉水藉水又東南流

與竹嶺水合水出南山竹嶺二源同瀉東北入藉

水藉水又次東北入上邽縣左佩五水東會占溪

水次東有大魯溪水次東得小魯谷水次東有楊

反谷水咸自北山注離注藉水宋本作咸自北山注藉水無離注二

守藉水又帶五水竹嶺東得亂石溪水次東得水

門谷水次東得羅城溪水次東得山谷水皆導源

南山北流入藉水藉水又東黃瓜水注之其水發

源黃瓜西谷東流逕黃瓜縣北又東清溪白水左

右夾注又東北大旱谷水南出旱溪歷澗北流泉

溪委漾同注黃瓜水黃瓜水又東北歷赤谷咸歸

于藉藉水又東宋本有合字毛泉谷水又東逕上邽城

南又得覈泉水並出南山北流注于藉藉水即洋


水也古本作藉水即洋水也吳本改作洋水也北有濠水注焉水出縣

西北邽山翼帶眾流積以成溪東流宋本作流南屈逕

上邽縣故城西側城南出上邽故邽戎國也秦武

公十年伐邽縣之舊天水郡治五城相接北城中


有湖水有白龍出是湖風雨隨之故漢武帝元鼎





三年改爲天水郡其鄉居悉以板蓋屋詩所謂西戎板屋也濛水又南注藉水山海經曰邽山濛水出焉而南流注于洋謂是水也藉水又東得其陽谷水又得宕水谷水並自南山北入于藉藉水又東合段溪水出西南馬門溪東北流合藉水藉水又東入于渭渭水又歷橋亭南而入綿諸縣東與東亭水合亦謂之爲橋水也清水又或爲通稱矣水源東發小隴山衆川瀉浪謝云一本作衆川瀉注統成一水西入東亭川爲東亭水與小祇大祇二水合又西北得南神谷水三川並出東南差池瀉注又有


埋蒲水翼帶二川與延水並西南注東亭水東亭水又西右則曠古本作曠溝水次西得麴谷水水側出東南二溪西北流注東亭川東亭川水右則溫谷水出小隴山又西蒞谷水出南北蒞溪西南注東亭川水東亭川水又西得清水口清水導源東北隴山宋本作二源俱發西南出龍谷古本作口合成一水西南流磨細野峽逕清池谷又逕清水縣故城東王莽之識睦縣矣其水西南合東亭川謂之清水又逕清水城南又西與秦水合水出東北太隴山秦谷二源雙導歷三泉合成一水而歷秦州川有





疑行一涇字

育故亭秦仲所封也秦之為號始自是矣秦水西  
 逕降隴縣故城南又西南自亥松多二水出隴山  
 合而西南流逕降隴城北又西南注秦水秦水又  
 西南歷隴川逕六槃口過清水城西南注清水  
作西南注清上下咸謂之秦川又西羌水注焉水  
 北出羌谷引納眾流合以成溪澁水星會謂之小  
 羌水西南流左長谷水西南注之右則東部水東  
 南入焉羌水南入清水清水又西南得綿諸水口  
 其道源西北諸溪東南與長思水謝云水下北出  
 思溪南入綿諸水又東南歷綿諸故道北東南入  
 清水清水東南注渭渭水又東南合涇谷水水出  
 西南涇谷之山東北流與橫水合水出東南橫谷  
 西北逕橫水壙入西北涇谷水亂流西北出涇谷  
 峽又西北軒轅谷水注之水出南山軒轅溪南安  
 姚瞻以為黃帝生於天水在上邽城東七十里軒  
 轅谷皇甫謐云生壽丘丘在魯東門北未知孰是  
 也其水北流注涇涇谷水又西北白城谷溪東北  
 流白娥泉水出其西東注白城水白城水又東北  
 入涇谷水谷水又東北歷董亭下楊難當使兄子  
 保宗鎮董亭即是亭也其水東北流注于渭山海





字疑衍

經曰注谷之山注水出焉東南流注于渭是也孫云

山海經作涇谷渭水又東伯陽谷水入焉水出刑

馬之山伯陽谷北流白水出東南白溪水西北注

伯陽水伯陽水又西北歷谷引控羣流北注渭水

又東歷大利又東南流苗谷水注之漢郡國志渭

鼠同穴山地道記云有三水出南刑馬山北歷平

危三苗所處故有苗谷作西北逕苗谷屈而東逕伯陽城南謂之伯陽川

蓋李耳西入往逕所由故山原畎谷往往播其名

焉渭水東南流衆水瀉浪邊次鳴注左則伯陽東

谿水注之次東得望松水次東得毛六谿水次東

得皮周谷水次東得黃杜東溪水出北山南入渭

水其右則胡谷水次東丘谷水次東得丘谷東谿

水次東有銅巖谷水並出南山東北注渭渭水又

東南出石門度小隴山逕南田縣南東與楚水合

世所謂長蛇水水出刑縣之數歷山也南流逕長


蛇戍東魏和平三年築徙諸流民以過隴謝云

隴寇楚水又南流注于渭闕駟以是水為沂水

音又東沂沂二水入焉宋本按渭疑當作漢地

志沂水出沂縣西北闕駟十三州志曰與此同復

以沂水為龍魚水蓋以其津流逕通而更攝其通





好無名接難  
曉然又似非  
直如愛中所  
引也

稱泉

宋本無泉字

矣水東入散關抱朴子神仙傳曰老

子西出關關令尹喜候氣知真人將有西遊者遇  
老子彊令之著書耳不得已為著道德二經謂之  
老子書也有老子廟于寶搜神記云老子將西入  
關關令尹喜好道之士覩真人當西乃要之途也  
皇甫士安高士傳云老子為周柱下史及周衰乃  
以官隱為周守藏室史積八十餘年好無名接按  
士傳云老子好養精氣貴接而不施而世莫知其真人也至周景王  
十年孔子年十七遂適周見老聃然幽王失其道  
平王東遷關以捍移人以職徙尹喜候氣非此明

矣而往逕所由茲焉或可是渭水又東逕

西武功北俗以散關城宋本非也褚先生乃曰武

功扶風西界小邑也蜀口棧道近山無他豪易高

者是也渭水又與其捍水合水疑脫一周道谷北

逕武都故道縣之故城西王莽更名曰善治也故


道縣有怒特祠列異傳曰武都故道縣有怒特祠

云神本南山大梓也昔秦文公二十七年伐之樹

瘡隨合秦文公乃遣四十人持斧斫之猶不斷疲

士一人傷足不能去臥樹下聞鬼相與言曰勞攻

戰乎其一曰足為勞矣又曰秦公必特一作不休





答曰其如我何又曰赤灰跋於子何如乃默無言  
 臥者以告令士皆赤衣隨所斫以灰跋樹斷化為  
 牛入水故秦為立祠又據錄異傳云秦文公時雍  
 有大風雨樹生合不斷時有一人病夜往山中聞  
 鬼語曰秦若使人被髮以朱絲繞樹伐汝得不困  
 耶樹神無言明日語聞公如言伐樹斷有一青牛  
 出走入豐水中因立怒特祠即此一事而兩說附  
 載以廣異聞其水又東北歷大散關而入渭水也渭水  
 又東而又宋本合南山五谿水諸宋本澗流注之  
 也

又東過陳倉縣西

縣有陳倉山山上有寶雞鳴祠昔秦文公咸當作

伯脫字之言遊獵於陳倉遇之於此坂得若石焉

其色如肝城如城如一寶祠之故曰陳寶其來也

自東南輝煌古本作輝煌聲若雷野雞皆鳴故曰

雞鳴神也按太康地志及列異傳並云秦文公時  
 陳倉人獵得獸若彘牽以獻之道逢二

童子曰此名蟪在地下食死人腦蠅亦言彼二童

子化為雉雖止陳倉北坂為石秦祠之號曰陳寶


漢郊祀志云秦文公獲若石于陳倉北坂祠之其

神來若雄雉其聲殷殷云野雞地理志曰有上公

明星黃帝孫舜妻盲家有羽隱宮漢志陳倉有  
 秦羽陽宮

武王起應劭曰縣氏陳山姚睦曰黃帝都陳言在

此營一作氏開山圖注曰伏犧生成起宋本作





徙治陳倉也

帝王世紀云庖犧生於成紀今天水郡有成紀縣

非陳國所

建也魏明帝遣將軍太原郝昭營

宋本

陳倉城成

諸葛亮圍之亮使昭鄉人靳祥說之不下亮以數

萬攻昭千餘人以雲梯衝車地道逼射昭昭以火

射連石拒之亮不利而還今灑水對亮城是與昭

相禦處也陳倉水出于陳倉山下東南流注于渭

水渭水又東與陽谿合其水上承斜水水自斜谷

分注綏陽谿北屈陳倉入渭故諸葛亮與兄瑾書

曰有綏陽小谷雖山崖絕重谿水縱橫難用行軍

者邏候往來要道通人今使前軍所治此道以向

陳倉足以拔連賊勢使不得分兵東行者也渭水

又東逕郁夷縣故城南地理志曰有汧水祠王莽

更之曰郁平也東觀漢書曰隗囂圍來歙於略陽

世祖詔曰桃花水出船槩皆至郁夷陳倉分部而

進者也汧水入焉水出汧縣之蒲谷鄉弦

谷決為弦舊本蒲藪爾雅曰水決之澤為汧汧之

為名寔兼斯舉水有二源一水出縣西山世謂之

小隴山舊本作小隴山巖嶂高峻不通軌轍故張衡四愁

詩曰我所思兮在漢陽欲往從之隴坂長其水東


北流歷澗注以成淵潭漲孫云漲當作深不測出五色魚

水經注

卷十七

十四

王光





俗以為靈而莫敢操

宋本捕因為

當作

是水為龍

魚水自下亦通謂之龍魚川川水東逕沂縣故城

北史記秦文公東獵沂田因遂都其地是也又東

歷澤亂為一右曰龍泉泉逕五尺源流奮古本通

淪漪四泄東北流注于沂沂水又東會一水發南

山西側俗以此山為吳山三峰霞舉壘秀雲天崩

巒傾返一作山頂相捍望之恒有落勢地理志曰

吳山在縣西古之沂山也國語所謂虞矣山下石

穴廣四尺高七尺水溢石空宋本懸波側注滿漈

溢發源宋本川北流注于沂自水會上下咸

謂之龍魚川沂水又東南宋本逕踰糜縣故

城南王莽之扶亭也昔郭欵恥王莽之徵而遜跡

於斯建武四年先武封耿況為侯國矣後漢書耿

俠游為上谷太守與彭寵同擊于沂水東南歷慈山

東南逕郁夷縣逕平陽故城南史記秦寧公二年


徙平陽徐廣曰故郁之平陽亭也城北有漢邠州

刺史趙融碑靈帝建安元年立沂水又東流于渭

水渭水之右穡谿水注之水出南山茲谷乘高激

流注于谿中谿中有泉謂之茲泉泉水潭積自成

澗渚即呂氏春秋所謂太公釣茲泉也今人謂之






儿谷石壁深高幽隍邃密林障秀阻人跡罕交東  
 南隅有石室蓋太公所居也水流次平石釣處即  
 太公垂釣之所也其投竿跽餌兩鄰當從遺跡猶  
 存是有磻谿之稱也其水清冷神異北流十二里  
 注于渭北去維堆城七十里渭水又東逕石源即  
 北原也青龍二年諸葛亮出斜谷與司馬懿屯渭  
 南雍州郭淮策亮必爭北原而屯魏志郭淮傳云  
青龍二年諸葛  
亮山斜谷並出  
于蘭坑是時司  
馬懿王屯渭南  
策亮必爭北原  
宜先據之宣王  
善之淮遂屯北  
原遂先據之亮至渭水又逕五丈原北魏春秋曰諸  
 葛亮據渭水南原司馬懿謂諸將曰亮若出武功

至下有脫文

依山東轉者是其勇也若西止五丈原諸君無事  
 矣晉書宣帝曰亮若勇者當出武功依山  
而東若西上五丈原則諸軍無事矣亮果屯  
 此原與懿相禦渭水又東逕郿縣故城南地理志  
 曰右輔都尉治魏春秋諸葛亮寇郿司馬懿據郿  
 拒亮即此縣也





八月二十三日閱

水經注箋卷第十八

漢 桑欽撰 後魏酈道元注

明 李長庚訂 孫汝澄

朱謀埠箋 李克家全校

渭水中


又東逕武功縣北

渭水於縣斜水自南注之水出縣西南衙嶺山北歷斜谷逕五丈原東諸葛亮與步騭書曰僕前軍在武五丈原在武功西十里餘水出武功縣故亦謂之武功水也是以諸葛亮表云臣遣虎步監孟

水經注箋

卷十八

一



國家圖書館, NATIONAL CENTRAL LIBRARY, TAIWAN, R.O.C.



八月二十三日閱

水經注箋卷第十八

漢 桑欽撰 後魏酈道元注

明 李長庚訂 孫汝澄

朱謀埠箋 李克家全校

渭水中


又東逕武功縣北

渭水於縣斜水自南注之水出縣西南衙嶺山北歷斜谷逕五丈原東諸葛亮與步騭書曰僕前軍在武五丈原在武功西十里餘水出武功縣故亦謂之武功水也是以諸葛亮表云臣遣虎步監孟

水經注箋

卷十八

一



國家圖書館, NATIONAL CENTRAL LIBRARY, TAIWAN, R.O.C.



琰據武功水東司馬懿因水長攻琰營臣作竹橋  
 遯水射之橋成馳去其水北流注于渭地理志曰  
 斜水出衙嶺北至郿注渭水又東逕馬冢北諸葛  
 亮與步騭書曰馬冢在武功東十餘里有高勢攻  
 之不便是以留耳渭水又逕武功縣故城北王莽  
 之新光也地理志曰縣有太白山古文以為終南  
 杜預以為中南也亦曰太白山在武功縣南去長  
 安二百里不知其高幾何俗云武功太白去天三  
 百山下軍行不得鼓角鼓角則疾風雨至杜彥達  
 曰太白山南連武功山於諸山最為秀傑冬夏積  
 雪望之皓然山上有谷春祠春櫟陽人成帝時病

死而尸不寒後忽出櫟南門及光門上而入太白


山民為立祠於山嶺春秋來祠中山宋本宿馬山

下有太白祠民所祀也劉曜之世是山崩長安人

劉終於崩此劉終以下文理不屬蓋脫簡也按十

山崩長安人劉終於崩所得白王方一尺有文字  
 曰皇亡皇亡敗趙昌并水竭構五梁罅西小袁困  
 蠶喪嗚乎嗚乎赤牛奮朝其盡乎群臣咸賀以為  
 石勒滅之徵也曜大悅齋七日而後受之於太廟  
 大赦境內以終為奉瑞大夫忘也惠公孝公立是穆公之後繼

世之君矣子孫無由起宮於祖宗之墳陵矣以是  
 推之知二證之非實也孫云自忘也至此四十一  
 字文不相續疑有脫誤





而左會左陽水世名之西水北出左陽谿南流逕  
 岐州城西魏置岐州刺史治左陽水又南流注于  
 雍水雍水又與東水合俗名也北出河謝云宋本  
 作俗名之  
 北水出河桃谷南流右會南源世謂之返眼泉亂流南  
 逕岐州城東而南合雍水州居二水之中南則兩  
 川之交會也世亦名之為涑空水東流鄧公泉注  
 之水出鄧艾祠北故名曰鄧公泉數源俱發於雍  
 縣城南縣故秦德公所居也晉書地道記以為西  
 虢地也漢書地理志以為西虢縣太康記曰虢叔  
 之國矣有虢宮平王東遷叔自此之上陽為南虢

矣雍有五時祠以上祠祀五帝昔秦文公田于沂

渭之間沂渭當作沂渭史記秦之先非子為周孝  
 王主馬于沂渭之間注云沂渭二水之間

在隴州夢黃蛇自天屬地其口止於廊衍以為上

帝之神於是作廊時祠白帝秦宣公作密時於陳

倉北坂祀青帝焉靈公又於吳陽作上時祀炎帝

焉獻公作畦時祠宋本作祀赤帝焉漢高帝問曰天有

五帝今何四也博士莫知其故帝曰我知之矣待

我而五遂立北時祀黑帝焉封禪書秦文公夢黃  
 蛇止於廊衍又獲陳

山丘於陳倉北坂城作廊時秦宣公作密時於渭南  
 爾青帝秦靈公作吳陽上時祭黃帝作下時祭炎


帝秦獻公時櫟陽雨金自以為得金瑞故作  
 畦時而祀白帝漢高祖立黑帝祠命曰北時應劭

水經注

卷十八

三

萬德






曰四面積高曰雍闕駟曰宜為神明之隩故立羣  
 祠焉又有鳳臺鳳女祠秦穆公時有簫史者善吹  
 簫能致白鵠孔雀穆公女弄玉好之公為作鳳臺  
 以居之積數十年一旦隨鳳去云雍宮世有簫管  
 之聲焉今臺傾祠毀不復然矣劉向列仙傳  
有簫史事鄧泉  
 東流注于雍自下雖會他津猶得通稱故禹貢有  
 雍沮會同之文矣雍水又東逕郿古本作  
郿下同南世謂  
 之樹亭川蓋郿樹聲相近誤耳亭宋本  
作故郿公之  
 采邑也京相璠曰城宋本  
作亭在周城南五十里後漢  
 郡國志曰郿縣有郿亭謂此也雍水又東南流與

杜水合水出杜陽山其水南流謂之杜陽川東南  
 流左會漆水水出杜陽之縣當作  
縣之漆谿謂之漆渠  
 故徐廣曰漆水出杜陽之岐山者是也漆水水字  
疑衍  
 渠水南流大欒水注之出西北大道川東南流入  
 漆即故岐水也淮南子曰岐水出石橋山東南流  
 相如封禪書曰收龜於岐史記作收龜漢書作放  
龜文頰注云周放畜餘  
龜於池沼之中至漢  
得之於岐山之旁漢書音義曰岐水名也謂斯  
 水矣二川洋逝俱為一水南與杜水合俗謂之小  
 黃水孫云小黃水  
當作小橫水亦或名之米流川逕岐山而又

屈逕周城南城在岐山之陽而近西所謂居岐之





陽也非直因山致名亦指水取稱矣又歷周原下

北則中水鄉成周聚故曰有周也水北即岐山矣

昔秦盜食穆公馬處也呂氏春秋秦繆公失其乘馬見楚人方將食於岐山

之陽公曰食駿馬之肉而不還飲酒者恐傷女也於是徧飲而去岐水又東逕姜

氏城南為姜水按世本炎帝姜姓帝王世紀曰炎

帝神農氏姜母安登謝云姜母安登宋本作母曰姜妣埤云謝引宋本亦誤據

世紀當作神農氏姜姓母安登遊華陽感神而生炎帝長於姜水

水合而東逕美陽縣之中亭川水也水發杜陽縣

大嶺側世謂之赤泥峴汭波歷澗俗名大橫水也

疑即杜水矣其水東南流東逕杜陽故城東西三

百步南北二百步世謂之故縣川又故谷縣有杜

陽山山北有杜陽谷有地穴北入亦不知所極在

大柱山南故縣取名焉亦指是水而攝目矣前漢地理

志右扶風有杜陽縣杜水南入渭注云公劉避狄而來居杜與漆沮之地即王莽之通

杜也故地理志曰縣自杜水東二坑水注之水有

二原克家云當作源一水出西北瀆魁水二合而東歷五


將山又合鄉谷水水出鄉谿東南流入杜謂之鄉

谷川又南茨水注之水出好時縣梁山嶺泉南

逕梁山宮西故地理志曰好時有梁山宮秦始皇

起水東有好時縣故城王莽之好邑也世祖建武

注又云齊詩作自杜沮漆






疑有脫文

二年封建威大將軍耿弇為侯國又南逕美陽縣  
之中亭川注雍水謂之中亭水又南逕美陽縣西  
永元二年更封鄴雍侯耿秉為侯國其水又南流  
注于渭渭水又東逕鄠塢南漢獻帝傳曰董卓發  
卒築鄠塢高與長安城等積穀為三十年儲自云  
事成雄據天下不成守此足以畢老其愚如此渭  
水之東洛谷之水出其南山洛谷北流逕長城西  
魏甘露三年蜀遣姜維出洛谷圍長城即斯地也  
又東芒水從南來流注之

世謂之王女房芒水又北逕盩厔縣之竹園中分  
為二水漢冲帝詔曰翟義作亂於東霍鴻負倚盩  
厔芒竹即此也其水分為二流一水之東北為枝  
流一水北流注於渭也

八十  
五字

舊本吳本俱缺此注綬安  
謝耳伯據宋本水經抄補





是日又閱

水經注箋卷第十九

漢 桑欽撰 後魏酈道元注

明 李長庚訂 孫汝澄

朱謀埠箋 李克家金徽

渭水下

渭水又東過槐里縣南又東澇水從南來注之


渭水逕縣之故城南漢書集註李奇謂之小槐里

之西城也又東與芒水枝流合水受芒水於竹園

東北流又屈而入于渭謝云宋本作又屈西北入于渭

渭水又東北逕黃山宮南

國家圖書館, NATIONAL CENTRAL LIBRARY, TAIWAN, R.O.C.





是日又閱

水經注箋卷第十九

漢 桑欽撰 後魏酈道元注

明 李長庚訂 孫汝澄

朱謀埠箋 李克家金徽

渭水下

渭水又東過槐里縣南又東澇水從南來注之


渭水逕縣之故城南漢書集註李奇謂之小槐里

之西城也又東與芒水枝流合水受芒水於竹園

東北流又屈而入于渭謝云宋本作又屈西北入于渭

渭水又東北逕黃山宮南

國家圖書館, NATIONAL CENTRAL LIBRARY, TAIWAN, R.O.C.





卽地理志所謂縣有黃山宮惠帝三年起者也東  
方朔傳曰武帝微行西至黃山宮故世謂之遊城  
非也


就水注之

水出南山就谷北逕大陵西世謂之老子陵昔李  
耳為周柱史孫云柱史當以世衰入戎於此有冢  
事非經證然莊周著書云老聃死秦失弔之三號  
而出是非不死之言人稟五行之精氣陰陽有終  
變亦無不化之理以是推之或復如傳古人許以  
傳疑故兩存耳就水歷圃北與黑水合孫云圃字

陵上承三泉就水之右三泉之疑奇發言歸一  
瀆北流左逕就水就水又北流注于渭

渭水又東合田谿水

水出南山田谷北流長楊宮西又北逕蓋屋縣故  
城西又東北與一水合水上承蓋屋南南泉北逕  
其縣東又北逕思鄉城西又北注田谿田谿水又  
北注流克家云當于渭水也縣苑謝云縣苑有蒙  
龍源上承渭水於郿縣東逕武功縣為成林源東  
逕縣苑亦曰靈軹源河渠以引堵水徐廣曰一作  
諸水是也





渭水又東逕槐里縣故城南

縣古犬丘邑也周赧王都之秦以為廢丘帝王世紀及世

本並云懿王自鎬徙都犬丘宋衷注云犬丘亦曰

舒丘和平元年桓帝封左中郎將皇甫嵩為侯國

縣南對渭水北背通渠史記秦本紀云秦武王三

年渭水赤三日秦昭王三十四年渭水又大赤三

日洪範五行傳云赤者火色也水盡赤以火沴水

也渭水秦大川也陰陽亂秦用嚴刑敗亂之象後

項羽入秦封司馬欣為塞王都櫟陽董翳為翟王

都高奴章邯為雍王都廢丘居槐里謝云居槐里

為三秦漢祖北定三秦引水灌城遂滅章邯三年

改曰槐里王莽更名槐治也世謂之為大槐里晉

太康中始平郡治也其城遞帶防陸舊渠尚存即

漢書所謂槐里環隄者也東有漏水宋本作東出

南山赤谷東北流逕長楊宮東宮有長楊樹因以

為名漏水宋本作又北逕葦園西亦謂之仙澤又


北逕望仙宮又東北耿谷水注之水發南山耿谷

北流與柳泉合東北逕五柞宋本作東北相去八

里並以樹名宮亦由陶氏以五柳立稱故張晏曰

宮有五柞樹在蓋屋縣西一作其水北逕仙澤東

彭澤為北人所重如此





北又逕望仙宮東又北與赤水會又北逕思鄉城  
東又北注渭水

渭水又東合甘水

水出南山甘谷北逕秦文王薨陽宮西又北逕五

柞宮東又北逕甘亭西在水東鄠縣昔夏啓伐有

扈作誓於是亭故馬融曰有扈甘南一作西郊地名

也甘水又東得澇水口水出南山澇谷北逕漢宜

春觀又東北逕鄠縣故城西澇水際城北出合漢

古本澇水作美水出宜春春觀北東北流注澇水北流入

于渭即上林故地也東方朔稱武帝建元中微行

北至池陽西至黃山南獵長楊東遊宜春夜漏十

刻乃出於於外宋本中常侍武騎待詔及隴西

北地良家子能騎射者期諸殿下故有期門之號

旦明入山下馳射鹿豕狐兔手格熊羆上大驩樂

之上仍使太中大夫虞丘壽王孫云虞丘即與待

詔能用竿者舉措漢書作舉籍謂舉計阿城以南


蓋屋以東宜春以西提封頃畝及其賈直漢書作

屬之南山以為上林苑東方朔諫秦起阿房而天

下亂因陳泰階六符之事孟康云泰階三台也每

之符驗也應劭曰上階為天子中階為諸侯公卿

大夫下階為士庶人三階平則陰陽和風雨時天






九流注卷之四  
四百一十九  
下大安三階不平則五神上乃拜太中大夫給事  
乏祀冬雷夏霜百姓不寧  
中賜黃金百斤卒起上林苑故相如請為天子遊  
獵之賦稱烏有先生亡是公而奏上林也  
又東豐水從南來注之

他說云渭水又東與豐水會于短陰山內水會無  
他高山異巒所有唯原阜石激而已水上舊有便  
門橋與便門對直武帝建武三年造張昌曰橋在  
長安西北茂陵東如淳曰去長安四十里渭水又  
逕太公廟北前有太公碑文字禿缺今無可尋  
渭水又東北與鎬水合

水上承鎬池於昆明池北周武王之所都也故詩  
云考卜維王宅是鎬京維龜正之武王成之自漢  
帝穿昆明池於是地基構淪禿今無可究春秋後  
傳曰使者鄭客鄭客宋本水經及搜神記皆作鄭容此容字皆誤入柏谷

關至平舒置見華山有素車白馬闕鄭客安之荅  
曰之咸陽過鎬池曰吾華山君使願託書致鄙池  
君子之咸陽過鎬池見大梓下有文石取以款扣  
梓當有應者以書與之勿妄發致之得所欲鄭客  
行至鄙池見一梓下果有文石取以款梓應曰諾  
鄭客如睡覺而見宮闕若王者之居焉謁者出受






書入又見頃聞語聲言祖龍死神道茫昧理難辨  
 測故無以精其幽致矣鄠水又北流西北注與處  
 池合水出鄠池西而北流入于鄠毛詩云漉流浪  
 也而世傳以為水名矣鄭玄曰豐鎬之間水北流  
 也鎬水北逕谿靈臺宋本作漢靈臺西又逕磁石門西門  
 在阿房前悉以磁石為之脫一故專其目合疑作四  
 夷朝者有隱甲懷刃入門而脅之以示神三輔黃  
 房宮以磁石為門懷刃止之故亦曰却胡門也鎬水又北逕于  
 渭渭水北有杜郵亭去咸陽十七里今名孝里亭  
 中有白起祠嗟乎有制勝之功慙尹商之仁是地

即其伏劍處也辛氏三秦記曰畢陌西北有孝里  
 畢陌西有白起墓潘岳西征賦云

索杜郵其馬在云孝里之前號  
 惘輟駕而容與哀武安以興悼

渭水又東北逕渭城南

文穎以為故咸陽矣秦孝公之所居離宮也獻公  
 都櫟陽天雨金周太史儋見獻公曰周故與秦國  
 合而別別五百歲復合合七十歲而霸王出至孝  
 公作咸陽築冀闕而徙都之故西京賦曰秦里其  
 霸寔為咸陽西京賦作秦里其朔薛綜注云里居  
 也朔北也秦地居其北是曰咸陽  
 太史公曰長安故咸陽也漢高帝更名新城武帝  
 元鼎三年別為渭城在長安西北渭水之陽王莽





之京城也始隸扶風後并長安而沈水注之

其水上承皇子陂於樊川其地即杜之樊鄉也漢祖至櫟陽以將軍樊噲灌廢丘最賜邑於此鄉也其水西北流注杜縣之杜京西西北流逕杜伯冢南杜伯與其友左儒仕宣王儒無罪見害杜伯死之終能報恨於宣王故成公子安五言詩曰誰謂

鬼無知杜伯射宣王

國語云周之衰也杜伯射王于鄗墨子云周宣王殺其臣

杜伯而不辜其後三年王合諸侯田於圃田日中杜伯乘白馬朱衣冠射王中心折奔而殪著之周春秋以為警汲冢瑣語云宣王之妾女鳩欲通杜伯杜伯不可女鳩及誦之王王囚杜伯于雒杜伯

之友左儒九諫而不聽并殺之後三年而杜伯射王沈水又西北逕下杜城

即杜伯國也沈水又西北支合故渠渠有二流上

承交水合於高陽原而北逕河池陂東而北注沈

水沈水又北與昆明故池會又北逕秦通六基東

又北逕塌水陂東又北得陂承其陂東北流入于


沈水沈水又北逕長安城西與昆明池水合水上

承池於昆明臺故王仲都所居也桓譚新論稱元

帝被病廣求方士漢中送道士王仲都詔問所能

對曰能忍寒暑乃以昆明池上環水而馳桓譚新論原有

乃於盛寒日載以駟馬車于昆明池上環水而走御者厚衣狐裘寒戰而






仲都獨無變色卧於池臺上曛然自若夏大暑日  
 使曝坐環以十爐火不言熱又身不汗池水北逕  
 鎬京東秦阿房宮西史記曰秦始皇三十五年以  
 咸陽之人多先王之宮小乃作朝宮於渭南亦曰  
 阿城也始皇先作前殿阿房宋本有上字可坐萬人下  
 可建五丈旗周脫字為閣道自殿直抵城南山表  
 山巔為闕為複道自阿房度渭屬之咸陽象天極  
 閣道絕漢抵營室也關中記曰阿房殿在長安西  
 南二十里殿東西千步南北三百步庭中受十萬  
 人其水又屈而逕其北東北流注塢水陂陂水北

出逕漢武帝建章宮東於鳳闕南東注沈水又北  
 逕鳳闕東三輔圖曰建章宮漢武帝造周二十  
 餘里千門萬戶其東鳳闕高七丈五尺俗言真女  
 樓非也漢武帝故事云闕高二十丈關中記曰建  
 章宮圓闕臨北道有金鳳在闕上高丈餘故號鳳  
 闕也宋本有故字繁欽建章鳳樓闕賦曰秦漢規模廓  
 然毀泯唯建章鳳闕巋然獨存雖非象魏之制亦  
 一代之巨觀也沈水又北分為二水一水東北流  
 一水北逕神明臺東傳子宮室曰上於建章中作  
 神明臺并榦樓咸高五十餘丈皆作懸閣輦道相

樓字疑衍





屬焉三輔黃圖曰神明臺在建章宮中上有九室  
今人謂之九子臺而實非也沈水又逕漸臺東漢  
武故事曰建章宮北有太液池池中有漸臺三十  
丈漸浸也為池水所漸一說星名也

星在織女東南  
臨水之臺也南有壁門三層高三十餘丈中殿

十二間階陛咸以玉為之鑄銅鳳五丈飾以黃金  
樓宋本  
作樓屋上椽首薄以玉璧因曰璧玉門也沈水

又北流注渭亦謂是水為瀦水也故呂忱曰瀦水  
出杜陵縣漢書音義曰瀦水聲而非水也亦曰高

都水前漢之末五侯王氏大治池沼引高水宋本  
作引

高都入長安城故百姓歌之曰五侯初起曲陽最

怒壞決高都竟連五杜上山漢書作  
土山漸臺像西白


虎即是水也

又東過長安縣北


渭水東分為二水廣雅曰水自渭出為渠其由河  
之有雍也此瀦東北流逕魏雍州刺史郭淮碑南

又東南合一水逕兩石人北秦始皇造橋鐵鑿重  
不勝故刻石作力士孟賁等像以祭之鑿乃可移

動也又東逕陽侯祠北漲輒祠之此神能為大波  
故配食河伯也後人以為鄧艾祠悲哉讒勝道消







入在下寫錯  
誤耳

與秦皇海神  
事同

粵忠受害矣。渭水又東注此水。水上有梁，謂之渭橋。秦制也。亦曰便門橋。秦始皇作離宮於渭水南，北以象天宮，故三輔黃圖曰：渭水貫都以象天。漢橫橋南度，以法牽牛。橋廣六丈，南北二百八十步，六十八間，七百五十柱。北馮翊立之，有謝云宋本無北馮翊。南有隄，激立石柱，立之有一百二十二梁。橋之南北有隄，激立石柱，柱南京北立之。柱北馮翊立之，有令丞各領徒一千五百人。橋之北首壘石水中，故謂之石柱橋也。舊有村留神像，此神嘗與魯班語，班令其宋本神出。村留曰：我貌猙醜，古本作醜，卿善圖物容，我不能

出。班於是拱手與言曰：出頭見我。村留乃出首。班於是以前脚畫地，村留覺之，便還沒水，故置其像於水。唯背以上立水上，後董卓入關，遂焚此橋。魏武帝遂更脩之，橋三丈六尺。村留之像，曹公乘馬見之，驚，又命下之。燕丹子曰：燕太子丹質於秦，秦王遇之無禮，乃求歸。秦王為機發之橋，欲以陷丹。丹過之，橋不為發。又一說：交龍捧輦而機不發，但言謝云疑有脫誤。今不知其故處矣。

渭水又東與沈水枝津合


水上承沈水東北流，逕鄧艾祠南，又東分為二水。



渭水又逕長安城北  
一水東入逍遙園注藕池池中有臺觀蓮荷被浦  
秀實可翫其一水北流于渭

漢惠帝元年築六年成即咸陽也秦離宮無城故  
城之王莽更名長安十二門東出北頭第一門本  
名宣平門王莽更名春王門正月亭亦曰東城門  
其郭門亦曰東都門即逢萌挂冠處也第二門本  
名清明門一曰凱門王莽更曰宣德門布恩亭內  
有藉田倉亦曰藉田門第三門本名霸城門王莽  
更名仁壽門無疆亭民見門色青又名青城門或

曰青綺門亦曰青門門外舊出佳瓜一作好瓜昔廣陵  
人邵平為秦東陵侯秦破為布衣種瓜此門瓜美  
故世謂之東陵瓜是以阮藉詠懷詩曰昔聞東陵  
瓜近在青門外連畛拒阡陌子母相鉤帶指謂此  
門也南出東頭第一門本名覆盎門王莽更名永  
清門長茂亭其南有下杜城應劭曰故杜陵之下  
聚落也故曰下杜門又曰端門北對長樂宮第二  
門本名安門亦曰鼎路門王莽更名光禮門顯樂  
亭即西安亭北對未央宮宋本有第三字本名平門王  
莽更名信平門城正亭西出南頭第一門本名章





京師西出  
第二門曰彰  
門豈知乃  
莽西城門  
耶寧相須  
心讀書人猶

六

卷一

十一

四百一

門王莽更名萬秋門億年亭亦曰光畢門也宋本作故  
畢光又曰便門第二宋本作本名直門王莽更名直  
道門端路亭故龍樓門也張晏曰門樓有銅龍三  
輔黃圖曰長安西出第二門即此門也第三門本  
名西城門亦曰雍門王莽更名章義門著誼亭其  
水北入有函里氏名曰函里門又曰光門亦曰突  
門北出西頭第一門本名橫門王莽更名霸都門  
左幽亭如淳曰音光故曰光門其外郭有都門有  
棘門徐廣曰棘門在渭北孟康曰在長安北秦時  
宮門也如淳曰三輔黃圖曰棘門在橫門外按漢

書徐厲軍於此備匈奴又有通門亥門也其第二

門本名洛門又曰朝門王莽更名建子門廣世亭

一曰高門蘇林曰高門長安城北門也漳按此間

二門故洛門之後繼以厨門杜一曰厨門其內有

長安厨官在事故城曰厨門也如淳曰今名廣門

也第三門本名杜門亦曰利城門王莽更名進和

門臨水亭其水有客舍故名曰客舍門又曰洛門

也凡此諸門皆通達九達三途洞開隱以金椎周

以林木賈山至言曰秦為馳道於天下東窮燕齊


外隱以金椎左出右入為徒之經一作為往行者

水

卷十

十二


位





升降有上下之別。漢成帝之為太子，元帝嘗急召之。太子出龍樓門，不敢絕馳道，西至直城門，方乃得度。上怪遲，問其故，以狀對。上悅，乃著令，令太子得絕馳道也。渭水東合昆明，故渠渠上承昆明池，東口東逕河池，北亦曰女觀陂。又東合沈水，亦曰漕渠。又東逕長安縣南，東逕明堂南，舊引水為辟雍處，在縣宋本無鼎路門東南七里，其制上圓下方，九宮十二室，四嚮五色，堂北三百步有靈臺。是漢平帝永始四年立，渠南有漢故園丘，成帝建始二年罷雍五畤，始祀皇天上帝於長安南郊，應劭曰：天郊在長安南，即此也。故渠之北有白亭，博望苑，漢武帝為太子立，使通賓客，從所好也。太子巫蠱事發，斫杜門東出，史良娣死葬於苑北，宣帝以為戾園，以倡優千人樂思后園，廟故亦曰千鄉當作千鄉。故渠又東而北，屈逕青門外，與沈水枝渠會。渠上承沈水於章門西，飛渠引水入城，東為倉池，池在未央宮西，池中有漸臺，漢兵起，王莽死於此臺。又東逕未央宮北，高祖在關東，令蕭何成未央宮，何斬龍首山而營之，山長六十餘里，頭於渭尾，達樊川，三輔黃圖：漢營未央宮，因龍首山以制，頭高前殿，山長六十里，頭入渭水尾，達樊川。

樊川三輔黃圖：漢營未央宮，因龍首山以制，頭高前殿，山長六十里，頭入渭水尾，達樊川。






二十丈尾漸下高五六丈土色赤而堅云昔有黑龍從南山出飲渭水其行道因山成跡山即基闕不假築高出長安城北有玄武闕即北闕也東有蒼龍闕闕內有閭闔公車諸門公車古本作正車玉海引此作止車未央殿東有宣室玉堂麒麟含章白虎鳳皇朱雀鸞鸞昭陽諸殿天祿石渠麒麟三閣未央宮北玉海作未央宮北即桂宮也周十餘里內有明光殿走狗臺栢梁臺舊乘複道用相逕通故張衡西京賦曰鈎陳之外閣有一作一本穹窿玉海有屬字長樂與明光逕北通于桂宮故渠出二宮之間謂之明渠也又東

歷武庫北舊樗里子葬於此樗里子名疾秦惠帝當作異母弟也滑稽多智秦人號曰智囊葬於昭王廟西渭南陰鄉樗里故俗謂之樗里子云我百歲後是有天子之宮夾我墓穴以昭王七年卒葬于渭南章臺東至漢長樂宮在其東未央宮在其西武庫直其墓秦人諺曰力則任鄙智則樗里子也子疑作是宋本無子字明渠又東逕漢高祖長樂宮北本秦之長樂宮也周二十里殿前列銅人殿西有長信長秋永壽永昌諸殿殿之東北有池池北有層臺俗謂是池為酒池非也故渠北有樓漢京兆尹

字無錄樓釋






司馬文預碑故渠又東出城分為二渠即漢書所謂王渠者也蘇林曰王宮家渠也猶今御溝矣晉灼曰渠名也在城東霸門外一水逕楊橋下即青門橋也側城北逕鄧艾祠西而北注渭今無水其一渠東逕奉明縣廣城鄉之廣明苑南史王孫及王夫人卜以為悼園益園民千六百家立奉明縣以奉二園園在東都門昌邑王賀自霸御法駕郎中令龔遂驂乘至廣明東都門是也故渠東北逕漢太尉夏侯嬰冢西葬日柩馬悲鳴輕車因進下得

石櫛銘云于嗟滕公居此室故遂葬焉冢在城東八里飲馬橋南四里故時人謂之馬冢碑按舊本脫誤吳瑄移遂葬焉二十二字續此是矣復誤以霸水注續馬冢之後錯簡如初今特改正又東過鄭縣北

渭水又東逕巒都城北故潘邑孫云潘邑常作蕃邑殷契之所居世本曰契居蕃闕駟曰蕃鄭西宋本作蕃然在鄭西則今巒城是矣俗名之赤城水曰赤水非也苻德入秦據此城以亢杜洪小赤水即山海經之灌水也水出石脆之山北逕蕭加谷於孤相原西東北流與愚水合出英山北流與招水孫云山海經曰石脆之山灌水

愚曰當作馬不然則柳子愚漢對河





不引此

水經注

卷十九

十五

四百四十五

出焉北流注于渭水英山出相得水亂流西

北注于灌灌水又北注于渭此後皆叙鄭縣事

逕觀愚之山北流入于渭舊本錯簡今改正

渭水又東西石橋水南出馬嶺山積石

據其東麗山距其西源西一作泉上通懸流數十丈

有橋橋雖崩禿舊跡猶存東去鄭城十里故世以

橋名水也而北流注于渭闕駟謂之新鄭水渭水

又東逕鄭縣故城北史記秦武公十年縣之桓公

鄭桓公友之故邑也漢書薛瓚注言周自穆公

王穆已下都於西鄭不得以封桓公也幽王既敗虢

僇國語又滅遷居其地國于鄭父之丘是為鄭桓

公無封京兆之文余按遷史記考春秋國語世本

言周宣王二十二年封庶弟友於鄭又春秋國語

並言桓公為周司徒以王室將亂謀於史伯而寄

帑與賄於虢僇之間幽王卒於戲舊本作宮於戲


王室滅虢僇而兼其土故周桓公言於王曰我周

之東遷晉鄭是依及遷封於彼左傳隱公十一年

鄭伯公孫獲宋本作鄭伯使公曰吾先君新邑於

孫獲使一作謂

孫獲使一作謂






此其能與許爭乎是其指新鄭為言矣然班固應劭鄭玄皇甫謐裴頠王隱闕駟及諸述作者咸以西鄭為友之始封也賢於薛瓚之單說也無宜違正經而從逸錄矣赤眉樊崇於鄭北設壇祀城陽景王而尊右校卒史劉俠卿牧牛兒盆子為帝年十五被髮徒跣為具絳單衣半頭赤幘直綦履顧見衆人拜恐畏欲啼號年建世後月餘乘白蓋小車與崇及尚書一人相隨向鄭北渡渭水即此處也城南山北有五部神廟東南向華岳廟前有碑後漢光和四年鄭縣令河東裴畢字君先立蘇林

曰戲邑名在新豐東南


宋本云在鄭東南

三十里孟康曰

乃水名也今戲亭是也昔周幽王悅褒姒不笑王乃擊鼓舉烽以徵諸侯至無寇褒姒乃笑王甚悅之及犬戎至王又舉烽以徵諸侯諸侯不至遂敗幽王於戲水之上身死於麗山之北故國語曰幽滅者也漢成帝建始二年造延陵為初陵以為非霸曲亭南更營之鴻嘉元年於新豐戲鄉為昌陵縣以奉初陵永始元年詔以昌陵卑下客土踈惡不可為萬歲居其罷陵作令吏民反故徙將作大匠解延年燉煌關中記曰昌陵在霸城東二十







疑有脫誤

里取土東山與粟同價所費巨萬積年無成即此處也戲水又北分為二水並注渭水渭水又東泠水入焉水南出肺浮山蓋麗山連麓而異名也北會三川統歸三壑歷新宋本一作陰槃新豐兩原之間北流注于渭渭水又東首水南倒虎山南一作西總五水單流注逕秦步高宮東世名立市城歷新豐原東而北逕步壽宮西又北入渭二輔黃圖秦有步高宮在新豐步高宮西渭水又東得西陽水又東得東陽水並南出廣鄉原北垂俱北入渭渭水又東宋本作東石橋水會故沈水也水南出馬嶺山北流

月顧仙每云  
於此太平乃出

逕武平城東按地理志左馮翊有武城縣王莽之桓城也石橋水又逕鄭城東水有故石梁述征記曰鄭城東十四里各有石梁者也又北逕沈城北漢書地理志左馮翊有沈陽縣王莽更之曰制昌也蓋藉水以取稱矣渭水又東敷水注之水南出石山之敷谷北逕告平城東者舊所傳言武王伐紂告太平於此故城得厥名非所詳也敷水又北逕集靈宮西地理志曰華陰縣有集靈宮武帝起故張昶華嶽碑稱漢武慕其靈築宮在其後而北流注于渭渭水又東餘水注之水南出良餘山之




陰北流入于渭俗謂之宣水也渭水又東合黃酸  
 之水世名之為于渠水水南出升山北流注于渭  
 渭水又東逕平舒城北城側枕渭濱半破淪水南  
 面通衢昔秦始皇之將亡也江神素車白馬道華  
 山下返壁於華陰平舒道曰為遺鑄池君使者致  
 之乃二十八年度江所沈壁也即江神返壁處也  
 渭水之陽即懷德縣界也城在渭水之北池宋本  
作沙  
 苑之南即懷德縣故城也世謂之高陽城非矣地  
 理志曰禹貢北條荆山在南山下有荆渠即夏后  
 鑄九鼎處也王莽更縣曰德驩渭水又東逕長城


北長澗水注之水南出太華之山側長城東而北

流注于渭水史記秦孝公元年楚魏與秦接界魏  
 築長城自鄭濱洛者也

又東過華陰縣北  
 洛水入焉闕駟以為漆沮之水焉曹瞞傳曰操與  
 馬超隔渭水每渡渭輒為超騎所衝突地多沙不  
 可築城婁子伯說今寒可起沙為城以水灌之一  
 宿而成操乃多作縑囊以埋水夜汲作城魏志作  
夜渡兵  
 作城北立於是水之次也渭水逕縣故城北春秋  
 之陰晉也秦惠文王五年改曰寧秦漢高帝八年







更名華陰王莽之華疆也縣有華山山海經曰其  
 高五千仞削成而四方遠而望之又若華狀西南  
 有小華山也韓子曰秦昭王令工施鈎梯上華山  
 以節一作松栢之心為博箭長八尺棋長八寸而勒  
 之曰昭王常與天神博於是神仙傳曰山中當作  
 衛叔卿嘗乘雲車駕白鹿見漢武帝帝將臣之叔  
 卿不言而去武帝悔求得其子度世令追其父度  
 世登華見父與數人博於石上勅度世令還山山  
 層雲秀故能懷靈抱異耳山上有二泉東西分流  
 至若山雨滂湃洪津之灑挂溜騰虛直瀉山下有

漢魏文帝三

宋本

廟廟有石闕數碑一碑是建安

新釋作

中立漢鎮遠將軍段熲更修祠堂碑文漢給事黃  
 門侍郎張鼎造鼎自書之元帝又刊其二十餘字

二書存

宋本

重名於海內又刊傳

當作

中司隸校

尉鍾繇

魏志云太祖方有事山東以關右為憂乃表鍾繇以侍中守司隸校尉持節督關中

諸弘農太守母丘儉姓名廣六行鬱然循平是太

康八年弘農太守河東衛叔始為華陰令河東裴  
 仲恂役其逸力修立壇廟夾道樹栢迄于山陰事


見永興元年華百石所造碑渭水又東沙渠水注  
 之水出南山北流西北入長安城城自華山北逕

引夾餘釋作



于河華嶽銘曰秦晉爭其祠立城建其左者也郭著述征記指證魏之立長城長城在後不得言在斯為非矣渠水又北注入渭渭水又東逕定城北西征記曰城因原土述征記曰定城去潼關三十里夾道各一城渭水又東泥泉水注之水出南山靈谷而泉北流注于渭水也渭水又東合沙溝水水即符愚之水也孫云嶽山海經當作符禺之水南出符石逕新豐縣故城北東與魚池水會水出麗山東也水本導源東一作北流後秦始皇葬於山北水過而曲行東注北轉始皇造陵取土其地汗深水積成池謂

之魚池池在秦皇陵東北五里周圍四里池水西北流逕始皇冢北秦始皇大興厚葬營建冢壙於麗戎之山一名藍田其陰多金其陽多玉始皇貪其美名因而葬焉斬山鑿石下涸三泉以銅為槨芻行周迴三十餘里上畫天文星宿之象下以水銀為四瀆百川五嶽九州具地理之勢宮觀百官奇器珍寶充滿其中令匠作機弩有所穿近輒射之以人魚膏為燈燭取其不滅者久之後宮無子者皆使殉葬甚衆墳高五丈周迴五里餘作者七十萬人積年方成而周章百萬之師已至其下乃





此字當是  
化文

使章邯領作者以禦難弗能禁項羽入關以三十萬人三十日運物不能窮關東盜賊銷擲取銅牧人尋羊燒之火延九十日不能滅北對鴻門十里池水又西北流水之西南有溫泉世以療疾三秦記曰麗山西北有溫水祭則得入不祭則爛人肉俗云始皇與神女唾之生瘡始皇謝之神女為出溫水後人因以澆洗瘡張衡溫泉賦序曰余出麗山觀溫泉浴神井當作井嘉洪澤之普施乃為之賦云此湯也不使灼人形體矣池水又逕鴻門西又逕新豐縣故城東故麗戎地也高祖王關中太上


皇恩東歸故象舊里制茲新邑立城社樹粉榆令街庭若一分置豐民以實茲邑故名之為新豐也漢靈帝建寧三年改為都鄉封段熲當作熲為侯國後立陰槃城其水際北城出一作世謂是水為陰槃水又北絕漕槃溝注于渭渭水又東逕鴻門北舊大道北下坂下坂名也古有鴻寧漢書高祖將見項羽楚漢春秋曰項王在鴻門亞父曰吾使人望沛公其氣衝天五色相繆或似龍或似雲非人臣之相可誅之漢高祖會項羽范增目羽羽不應樊噲杖盾撞人人食豕肩於此羽壯之郡國志曰新

水經注

卷十九

二十一

三百九十一






豐縣東有鴻門亭者也郭緣生或云霸城南門曰鴻門也項羽將因會高祖宋本無高祖二字危高祖羽仁而弗斷范增謀而不納項伯終護高祖以獲免既抵霸上遂封漢王按漢書注鴻門在新豐東十七里則霸上應百里按史記項伯夜馳告張良良與俱見高祖仍使夜返考其道里不容得爾今父老傳在霸城南門數十里於理為得按緣生此記雖歷覽史漢述行涂逕宋本作述行涂經見可謂學而不思矣今新豐縣故城東二里有坂長二里餘塹原通道南北洞開有同門狀謂之鴻門孟康言在新豐

宋本東十七里無之蓋指縣治而言非謂地也自

新豐故城西至霸城五十里霸城西十里則霸水西二十里則長安城應劭曰霸水上地名在長安東二十里即霸城是也高祖舊停軍處東去新豐既遠何由項伯夜與張良共見高祖乎推此言之知緣生此記乖矣渭水又東石川水南注焉渭水又東戲水注之水出麗山馮公谷東北流又北逕麗戎城東春秋晉獻公五年伐之獲麗姬於是邑麗戎男國也姬姓秦之麗邑矣又北右總三川逕鴻門東又北逕戲亭東應劭曰戲弘農湖縣西界





也地隔諸縣不得為湖湖西如當作北一里即李

夫人冢冢形三成世謂之萊陵一作萊陵夫人兄延年

知音尤善歌舞帝愛之每為新聲變曲聞者莫不

感動常侍上起舞歌曰北方有佳人絕世而獨立

一顧傾人城再顧傾人國寧不知傾城與傾國佳

人難再得上曰世豈有此人乎平陽主曰延年女

弟上召見之妖麗善歌舞得幸早卒上憫念之以

厚禮葬悲思不已賦詩悼傷故渠此故渠篇內不見張本疑有脫

誤又東逕茂陵縣故城南武帝建元二年置地理

志曰宣帝縣焉玉莽之宣成也故渠又東逕龍泉

北今人謂之溫泉非也渠北故坂此即龍淵廟如

淳曰三輔黃圖有龍淵宮今長安城西有其處黃

蓋宮之遺也謝云宋本云城西有其廟處蓋宮之遺也故渠又東逕姜

原北渠北有漢昭帝平陵東南去長安七十里又

東逕平陵縣故城南地理志曰昭帝置王莽之廣


利也故渠之南有竇氏泉北有徘徊廟又東逕漢

大將軍魏其侯竇嬰冢南又成帝延陵南陵之東

北五里即平帝康陵坂也故渠又東逕渭陵元帝

永元四年以渭城壽陵亭原上為初陵詔不立縣

邑又東逕哀帝義陵南又逕惠帝安陵南陵北有






安陵縣故城也地理志曰惠帝置王莽之嘉平也  
 渠側有杜郵亭又東逕渭城北地理志曰縣有蘭  
 池宮秦始皇微行逢盜於蘭池今不知所在也又  
 東逕長陵南亦曰長山也三秦記曰長安城北有  
 平原廣數百里民井汲巢居井深五十丈秦名天  
 子冢曰山漢曰陵故通曰山陵矣風俗通曰陵者  
 天生自然者也今王公墳壠稱陵春秋左傳曰南  
 陵夏后臯之墓也春秋說題辭曰丘者墓也冢者  
 種也種墓也羅倚於山分甲尊之名者也渭水又  
 東逕下邳縣故城南秦伐邾置邾戎於此有上邳


相與山陵  
 與皇帝  
 相類

故加下也渭水又東與竹水合南出竹山北逕鄠  
 加谷歷廣鄉原東俗謂之大赤水北流注于渭渭  
 水又東得白渠口大始二年趙國中大夫白公奏  
 穿渠引涇水口起谷口出於鄭渠南名曰白渠民  
 歌之曰田於何所池陽谷口鄭國在前白渠在後  
 卽水所治也東逕宜春城南又東南逕池陽城北  
 枝瀆出焉東南逕藕原下逕鄠縣故城北東南入  
 渭今無水白渠又東枝渠出焉東南逕高陵縣故  
 城北地理志曰左輔都尉治王莽之千春也太康  
 地記謂之曰高陸也車頻秦書曰符堅建元十二





年高陸縣民穿井得龜大二尺六寸背文負八卦  
古字堅以石為池養之十六年而死取其骨以問  
吉凶各為客龜大小佐高夢客龜言我將歸江南  
不遇死於秦會宋本作高於夢中自解曰龜三萬六千  
歲而終終必亡國之徵也為謝玄破於淮肥自溢  
新城浮圖中秦祚因即淪矣又東逕櫟陽城北史  
記秦獻公二年城櫟陽自雍徙居之十八年兩金  
於是處也項羽以封司馬欣為塞王按漢書高帝  
關中始都之王莽之師高也後漢建武二年封驃  
騎大將軍景丹為侯國丹讓世祖曰富貴不還故  
鄉如衣錦夜行故以封卿白渠又東逕秦孝公陵  
北又東南逕居陵城北蓮芍城南又東注金氏陂  
又東南注于渭故漢書溝洫志曰渠首起谷口尾  
入櫟陽是也今無水故渠又東逕漢丞相周勃塚  
南冢北有弱夫冢弱夫當作亞夫漢書周勃封絳侯長子坐殺人國絕亞夫復為侯  
故渠東南謂之周氏曲又東南逕漢景帝陵南  
又東南注于渭今無水渭水又東逕霸縣北與高  
陵分水水南有定陶恭王廟傳太后陵元帝崩傳  
昭儀隨王歸國稱定陶太后後十年恭王薨子代  
為王徵為太子太子即帝位立恭王寢廟于京師





比宣帝父悼皇故事元壽元年傅后崩合葬渭陵  
潘岳關中記漢帝后同塋則爲合葬不共陵也諸  
侯皆如之恭王廟在霸城西北廟西北卽傅太后  
陵不與元帝同塋渭陵非謂元帝陵也蓋在渭水  
之南故曰渭陵也陵與元帝齊者謂同十二丈也  
王莽奏毀傅太后塚塚崩壓殺數百人開棺是聞  
數里公卿在位皆阿莽旨入錢帛遣子弟及諸生  
四夷凡十餘萬人操持作具助將作掘傅后塚二  
旬皆平周棘其處以爲世戒今其處積土猶高世  
謂之增堦又亦謂之增阜俗亦謂之成帝初陵處

所未詳也渭水又逕平阿侯王譚墓北塚次有碑

左則涇水注之渭水又東逕鄠縣西蓋隴西郡之

鄠徒當作徒也渭水又東得白渠枝口又東與五丈

渠合水出雲陽縣石門山謂之清水東南流逕黃

嶽山西又南入襖襍縣歷原南出謂之清水口東


南流絕鄭渠又東南入高陵縣逕黃白城西本曲

梁宮也南絕白渠屈而東流謂之曲梁水又東南

逕高陵縣故城北東南絕白渠瀆又東南入萬年

縣謂之五丈渠又逕藕原東東南流注于渭水

又東過霸陵縣北霸水從縣西北流注之





霸水者上地名也古曰滋水矣秦穆公霸水

宋本

穆公霸世西征賦云弘大順以霸世是也更名滋水為霸水以顯霸功

水出藍田縣藍田谷所謂多玉者也西北有銅公

水次東有輕谷脫水字二水合而西注之又西流入

渥水渥水又西逕嶢關北歷柳嶢城東西有二城

魏置清渥軍於城內世亦謂之清渥城也秦二世

三年漢祖入自武關攻秦趙高遣將距於嶢關者

也土地記曰藍田縣南有嶢關地名嶢柳道通荆

州晉地道記曰關當上洛縣西北渥水又西北流

入霸霸水又北歷藍田川逕藍田縣也竹書紀年

梁惠王三年秦子向命為藍君蓋子向之故邑也

川有漢臨江王榮冢景帝以罪徵之將行祖於江

陵北門車軸折老父泣曰吾王不反矣榮至中尉


郢都急切責王王年少恐而自殺葬於是川有鸞

數萬銜土置冢上百姓矜之

按史記五宗世家臨江閔王榮以孝景前四年為皇太子四歲廢用故太子為臨江王四年坐侵廟孺垣為宮上徵榮榮行祖於江陵北門既反矣榮至中尉府簿中尉到都責訊王王恐自殺葬藍田燕數萬銜土置冢上百姓矜之霸水又左合澹水歷白鹿原

東即霸川之西故芷陽矣史記秦襄王葬芷陽者

也是謂之霸上漢文帝葬其上謂之霸陵上有四






出道以瀉水在長安東南三十里故王仲宣賦詩  
云南登霸陵岍迴首望長安漢文帝嘗欲從霸西  
馳下峻坂袁盎攬轡於此處上曰將軍怯也盎曰  
臣聞千金之子坐不垂堂百金之子立不倚衡聖  
人不乘危今馳不測如馬驚車敗柰高廟何上乃  
止霸水又北長水注之水出杜縣白鹿源其水西  
北流謂之荆谿谿水又西北左合狗柳川水水有  
二源西川上承礪山之斫槃谷次東有苦谷二水  
合而東北流逕風涼原西關中圖曰麗山之西川  
中有阜名曰風涼原在礪山之陰雍州之福地卽

是原其水傍谿北注原上有漢武帝祠其水右合

東川水出南山之石門谷孟谷次東又大谷次東  
有雀谷東有土門谷五水北谷西北歷風涼原東  
又北與西川會原爲二水之會亂流北逕宣帝許  
后陵東而北去杜陵十里斯川於是有狗柳之名  
川東亦曰白虎克家云當  
作白鹿原也上有狗柳堡三秦  
記曰麗山西有白鹿原原上有狗柳堡秦襄公時  
有大狗來下有賊則狗吠之故一堡無患故川得  
厥目焉川水又北逕杜陵東元帝初元元年葬宣  
帝杜陵北去長安五十里陵之西北有杜縣故城

卷之七 陳文





秦武公十一年縣之漢宣帝元康脫元年二字以杜東

原上為初陵更名杜縣為杜陵也王莽之饒安也

其水又北注荆谿荆谿水又北入霸縣孫云疑作霸水又

有溫泉入焉水發自原下入荆谿水亂流注于霸

俗謂之澆水非也史記音義文帝出安門注云在

霸陵縣有故亭即郡國志所謂長門亭也史記云

霸澆長水也雖不在祠典以近咸陽秦漢都宋本

作涇渭長水蓋宋本作盡得比大川之禮昔文帝居霸陵

北臨厠指新豐路示慎夫人曰此走邯鄲道也因

使慎夫人鼓瑟上自倚瑟而歌悽愴悲懷顧謂羣

臣曰以北山石為櫛用紵絮斷陳漆其間豈可動

哉釋之曰使其中有可欲雖錮南山猶有隙使無

可欲雖無石郭又何戚焉文帝曰善拜廷尉韋昭

曰高岍夾水為厠今斯原夾二水也此後皆叙霸水事舊本錯

誤以厨門續此今據三輔黃圖所記長安十二門移正而以霸水又北會續此霸水又北


會兩川又北故源左出焉霸水又北逕王莽九廟

南王莽地皇元年博徵天下工匠壞撤西苑建章

諸宮館十餘所取材瓦以起九廟竿及吏民以義

入錢穀助成九廟廟殿皆重屋太初祖廟東西南

北各四十丈高十七丈餘廟半之為銅薄櫨飾以





亭林云白鷺當作白城


金銀雕文窮極百工之巧。瓠高增下功費數百巨萬卒死者萬數。霸水又北逕枳道在長安縣東十三里。王莽九廟在其南。漢世有白鷺羣飛自東都門過于枳道。呂后被除於霸上。還見倉狗戟脅於斯道也。漢五行志曰高后八年三月被霸上還枳道見物如倉狗。檄高后被忽不見卜之趙王如意為祟遂病掖傷而崩注云檄謂狗持之也。水上有橋謂之霸橋。地皇三年霸橋木災自東起卒數千以水汎沃救不滅。晨熾夕盡。王莽惡之下書曰甲午火橋乙未立春之日也。予以神明三年終冬絕滅霸駁之橋。欲以興成新室統一長存之道。其名霸為長存。

水之

宋本北左納漕渠絕霸右出焉。東逕霸城北。又東逕子楚陵北。皇甫謐曰秦莊王葬于芒蕩之

麗山。京兆東南霸陵山。劉向曰莊王大其名立墳者也。戰國策曰莊王字異人。更名子楚。故世人猶以子楚名陵。又東逕新豐縣。右會故渠上承霸水。東北逕霸縣故城南。漢文帝之霸陵。漢縣也。王莽更之曰水章。魏文帝黃初元年徙長安。金狄重不可致。因留霸城南。人有見薊子訓與父老共摩銅人曰。正見鑄此時。計其日似近五百年矣。故渠又東北逕劉更始冢。西更始二年為赤眉所殺。故謂

文當作明黃當  
作京兆後漢  
書方術傳注中  
詳此其法云同  
豈唐初所傳之  
本已訛誤不可  
請耶書不徑  
劉河楊姓之  
手其孰為是





宋本無侍中劉恭夜往取一作收而埋之光武使司

徒鄧禹收葬於霸陵縣更始尚書僕射行大將軍

事鮑永持節安集河東聞更始死歸世祖累遷司

隸校尉行縣逕更始墓遂下拜哭盡哀而去帝問

公卿太中大夫張湛曰仁不遺舊忠不忘君行之

高者帝乃釋宋本作釋之又東北逕新豐縣又合漕渠

漢大司農鄭當時所開也以渭難漕命齊水工徐

伯乃發卒穿渠引渭今源自昆明池南倚山原東

至于河且田且漕大以為便按史記河渠書鄭當

長安竝南山下至河二百餘里徑易漕令齊人水

工徐伯表悉發卒數萬人穿漕渠三歲而通通以

漕大便利其後漕稍多而今霸水又北逕秦虎園

東烈士傳曰秦昭王會魏王魏王不行使朱亥奉

璧一雙秦王大怒置朱亥虎園中亥瞋目視虎背

裂血出濺舊本作濺虎虎不敢動即是處也霸水又北

入于渭水渭水又東會成國故渠渠魏尚書左僕

射衛臻征蜀所開也號成國渠引以澆故田其瀆


上承汧水於陳倉東東逕郿及武功槐里縣北渠

左有安定梁嚴冢碑碣尚存逕漢武帝茂陵南故

槐里之茂鄉也應劭曰武帝與宋本無與字自為陵在

長安西北八十餘里漢武帝故事曰帝崩後見形

漢字以






謂陵今薛平曰吾雖失勢猶為汝君奈何令吏卒  
上吾陵磨刀劍乎自今以後可禁之平頓首謝因  
不見推問陵傷果有方石可以為礪吏卒常盜磨  
刀劍霍光欲斬之張安世曰神道茫昧不宜為法  
乃止故阮公詠懷詩曰失勢在須臾帶劍上吾丘  
陵之南故渠又北分為二渠東逕虎圈南而東入  
霸一水北合渭今無水

東入于河

春秋之渭汭也左傳閔公三年虢公敗犬戎于渭



隊孫云按左傳閔公二年虢公敗犬戎於渭汭服虔曰隊謂汭也杜預

曰水之隈曲曰汭王肅云汭入也呂忱云汭者水  
相入也水會即船司空所在矣地理志曰渭水東  
至船司空入河服虔曰縣名都官三輔黃圖有船  
庫官後改為縣王莽之船利者也




力八十八









國家圖書館, NATIONAL CENTRAL LIBRARY, TAIWAN, R.O.C.














國家圖書館, NATIONAL CENTRAL LIBRARY, TAIWAN, R.O.C.











國家圖書館, NATIONAL CENTRAL LIBRARY, TAIWAN, R.O.C.













0944074 x10



國家圖書館 NATIONAL CENTRAL LIBRARY, TAIWAN, R.O.C





經注箋卷第二十

漢 桑欽撰

後魏酈道元注

明 李長庚訂

孫汝澄


朱謀埠箋

李克家全校


漾水 丹水

漾水出隴西氐道縣蟠冢山東至武都沮縣為漢水  
常璩華陽國記曰漢水有二源東源出武都氐道  
縣漾山為漾水禹貢導漾東流為漢是也西源出  
隴西蟠冢山會泉逕葭萌入漢始源曰沔按沔水  
出東狼谷逕沮縣入漢漢中記曰蟠冢以東水皆

國家圖書館, NATIONAL CENTRAL LIBRARY, TAIWAN, R.O.C.







大誤

東流。蟠冢以西水皆西流。即其地勢源流所歸。故俗以蟠冢為分水嶺。即此推沔水無西入之理。劉澄之云有水從沔陽宋本作沔陽縣南至梓潼。漢壽入大穴。暗通崑山。郭景純亦言是矣。罝山穴小。本不容水。水成大澤。而流與漢合。庾仲邕又言漢水自武遂川南入。蔓葛谷。越野牛逕。至開城。合西漢水。故諸言漢者多言西漢水。至葭萌入漢。又曰始源曰沔。是以經云。漾水出氐道縣東。至沮縣為漢水。東南至廣魏白水。廣魏宋本作廣漢。按後漢郡屬志。廣漢郡有白水縣。注云白水出蜀而東南。今在縣。診其泐注。似與三說相符。而未極西漢之源矣。然東西兩川俱受沔。漢之名者。議當作義或在茲矣。班固地理志曰。氐道。西出西縣之蟠冢山。志並言漢有二源。東出氐道。西出西縣之蟠冢山。隴西郡有西縣。漢地理志云。西縣有蟠冢山。山之西。漢水所出。南入廣漢。闕駟云。漢或為漾。漾水出崑崙西北隅。至氐道重源顯發。而為漾水。又言隴西縣蟠冢山在西。西漢水所出。南入廣魏。當作漢白水。又云。漾水出源道。東至武都。入漢。許慎呂忱並言。漾水出隴西源道。東至武都。為漢水。不言氐道。然源道在冀之西北。又隔諸川。無水南入。疑出源道之為謬矣。漢地理志。源道。縣在天水郡。應劭云。源。戎邑也。

廣魏元

隴山下尚應有一西字



完音又云漢漾也東為滄浪水山海經曰蟠冢之山

漢水出焉而東南流注于江孫云按山海經東南

夏安陸縣然東西兩川俱出蟠冢而同為漢水者

也孔安國曰泉始出為漾其猶濛耳而常璩專為

漾山漾水當是作者附而為山水之殊目矣余按

山海經漾水出崑崙西北隅而南流注于醜塗之

水孫云山海經曰崑崙之丘洋水出焉而西穆天

子傳曰天子自春山西征至于赤鳥氏已邠北征

庚辰濟于洋水辛巳入于曹奴之人戲觴天子于

洋水之上當云辛巳入于曹奴曹奴之人戲觴天子

句乃獻良馬九百牛羊七千天子使逢固受之天

子乃賜之黃金之鹿戲乃膜拜而受余以太和中

從高祖北巡狄人猶有此獻雖古今世殊而所貢

不異然川流隱伏卒難詳照地理潛閼變通無方

復不可全言闕氏之非也雖津流派別枝渠勢懸

原始要終潛流或一故俱受漢漾之名納方士當


土之稱是其有漢川漢陽廣漢漢壽之號或因其

始或據其終縱異名互見猶為漢漾矣川其目殊

或亦在斯今西縣蟠冢山西漢水所導也然微涓

細注若通羈歷津注而已西流與馬池水合水出

宗





上邽西南六十餘里謂之龍淵水言神馬出水事

同徐吾來淵之異徐吾當作余吾漢書元狩二年

湫注水中應劭注云余吾在朔方故因名焉開山圖曰隴西神馬

山有淵池龍馬所生即是水也其水西流謂之馬

池川又西流入西漢水又西南流左得蘭

渠溪水次西有山黎谷水次西有鐵谷水次西有

石耽谷水次西有南谷水並出南山揚湍北注右

得高望谷水次西得西溪水次西得黃花谷水咸

出北山飛波南入西漢水又西南資水注之水北

出資川導源四壑南至資峽總為一水出峽西南

流注西漢水又西南得峽石水口水出苑

亭謝云宋本作苑三溪西南至峽石口

合為一瀆東南流屈而南注西漢水西漢水又西

南合楊廉川水孫云楊廉水出西谷衆川瀉流合

成一川東南流逕南宋本縣故城北秦莊公伐西

戎破之周宣王與其大駱大丘之地為西垂大夫

亦西垂官也大略大丘當作大駱大丘史記秦紀

父之寵皆蒙趙城姓趙氏非子居大丘為周孝王


主馬于汧渭之間馬大蕃息孝王封為附庸邑之

秦為秦侯周厲王時西戎反滅大丘大駱之族周

宣王即位乃以秦仲為大夫誅西戎西戎殺仲宣

王立其子莊公與兵七千人伐西戎破之於是復

亭秦仲後及其先大駱地大丘并有之為西垂大





夫居其故  
西大丘

王莽之西治矣。建武八年，世祖至陽河。

寶融等悉會天水，震動隗囂。將妻子奔西城，從楊

廣、廣死囂孤。

舊本作愁

窮城守，時潁川賊起，車駕東歸。

留吳漢、岑彭圍囂，岑等壅西谷水，以縑幔盛土為

堤，灌城，城未沒丈餘，水穿壅不行，地中數丈涌出。

故城不壞，請蜀救至，漢等退。

脫一還字

上邽，但廣、廉字

相狀，後人因以人名之，故習僞為楊廉也。置楊

廉縣焉。

言本以楊廣命縣，因廣字與廉字相似，故譌為楊廉，遂習其譌而不改也。

又東

南流，右會茅川水，水出西南戎溪，東北流，逕戎丘

城南，吳漢之圍西城，王捷登城，向漢軍曰：為隗王

城守者皆必死，無二心，願諸將亟還。

宋本作亟還

請自

殺以明之，遂刎頸而死。又東北流，注西谷水，亂流

東南，入于西漢水。西漢水又西南，逕始昌峽，始昌

縣故城西。晉書地道記曰：天水始昌縣故城西也。

亦曰清崖峽。西漢水又西南，逕巖備戍。

宋本作南

左則巖備水，自東南西北注之。右則鹽官水，南入


焉。水有鹽官，在蟠冢西五十許里，相承營者不輟。

味與海鹽同。故地理志云：西縣有鹽官是也。其水

東南，逕巖備戍，西東南入漢水。漢水又西南，合左

谷水，水出南山，窮溪北注，漢水又西南，蘭軍

謝兆申云





蘭軍字誤宋本作蘭軍而水出於西北至交谷宋本

下文又有蘭坑疑作蘭坑交谷作五東南歷宋本山軍東南入漢水漢水又西

南逕祁山軍南雞水出南雞谷北逕水南縣西北

流注于漢漢水又西建安川水入焉其水導源建

威西北山白石戍東南二源水合注東逕建威城

南又東與蘭坑水會水出西南近溪東北逕蘭坑

城西東北克家云脫注建安水建安水又東逕蘭

坑城北建安城南其地故西縣之歷城也楊定自

隴右徙治歷城即此處也去仇池一百二十里後

改為建安城其水又東合錯水水出錯水戍東南

而東北入建安水建安水又東北有雉尾谷水又

東北有太谷水又北有小祁山水並出東溪揚波

西注又北左會胡谷水水西出胡谷東逕金盤歷

城二軍北軍在水南層山上其水又東注建安水

建安水又東北逕塞峽元嘉十九年宋太祖遣龍


驤將軍裴方明伐楊難當將妻子北奔安西參將

魯尚期追出塞峽即是峽矣左山側有石穴洞入


常作言潛通下辨所未詳也其水出峽西北流注

漢水漢水北連山秀舉羅峰競峙祁山在番冢之

西七十里宋本作七十山上有城極為巖固昔







諸葛亮攻祁山卽斯城也。漢水逕其南城，南三里  
 有亮故壘，壘之左右猶豐茂宿草，蓋亮所植也。在  
 上却西南二百四十里。開山圖曰：漢陽西南有祁  
 山，溪徑透迤，山高巖嶮，九州之名岨，天下之奇峻。  
 今此山於衆阜之中，亦非爲傑矣。漢水又西南與  
 申宋本谷水合，水出西南申谷，東北流注漢水。漢  
 水又西逕南岸，宋本北中岸之上下有二城，相  
 對左右，墳壠低昂，亘山被阜，古語一作古語云：南岸北  
 岸萬有餘家，諸葛亮表言祁山縣出租五百牙本。  
 山縣去沮五百里，有民萬戶，矚其丘墟，信爲殷矣。漢水西

山家爲韻  
不當作岸

南逕武植戍，南武植戍水發北山，二源奇發，合于  
 安民戍。南又南逕武植戍，西而西南流注于漢水。  
 漢水又西南逕平夷戍，南又西南夷水注之。水出  
 北山，南逕其戍，西南入漢水。漢水又西逕蘭倉城，  
 南又南右會兩溪，俱出西山，東流注于漢水。張華  
 博物志云：溫水出烏鼠山下，注漢水，疑是此水，而  
 非所詳也。漢水又南入嘉陵道，而爲嘉陵水。然世  
 俗名之爲皆當作階陵水，非也。漢水又東南右右字  
 舊本作名得北谷水，東南得城階水。疑作武階又  
 東南得倉谷水，右三水並出西溪，東流注漢水。漢



水又東南逕瞿堆西又屈逕瞿堆南絕壁峭峙孤  
 嶮雲高望之形若覆壺其高二十餘里羊腸蟠道  
 三十六迴開山圖謂之仇夷所謂積石嵯峨嶽峯  
 隱阿者也上有平田百頃煮土成鹽因以百頃為  
 號山上豐水泉所謂清泉湧沸潤氣上流者也漢  
 武帝元鼎六年開以為武都郡天池大澤在西故  
 都為目矣漢地理志武都注云東漢水受氏道水一名沔過江夏謂之夏水入江天池大澤  
澤在縣西王莽更名樂平郡縣曰循虜縣常璩范曄云  
 郡居河池一名仇池池方百頃即指此也左右悉  
 白馬氏矣漢獻帝建安中有天水氏楊勝者世居

隴右為氏太師

當作大帥

子駒勇健多計

北史後魏書云建安中有

楊騰者為部落大帥勇健多計略

徙居仇池魏拜為百頃氏王漢

水又東合洛谷

克家云谷下疑脫水字谷有二源合同注一

壑於神蛇戍西左右山溪多五色蛇性馴良不為

物毒洛谷水又南逕虎道戍東又南逕仇池郡西

瞿堆東西南入漢水漢水又東合洛漢水


孫云洛漢當作

洛溪下同水北發洛谷南逕威武戍南又西南與龍門

水合水出西北龍門谷東流與橫水會東北窮溪

即水源也又南逕龍門戍東又東南入洛漢水又

東南逕上祿縣故城西脩源濬導逕引北溪南總





兩川單流納漢漢水又東南逕濁水城南又東南

會平樂水水出武階宋本作水出武源煒按下文數舉武階知武階當作武街

而宋本自誤耳十六國春秋亦作武街東北四十五里更馳南溪導

東北源流宋本作導源東北流山側有甘泉涌波飛流下注

平洛水又逕甘泉戍南又東逕平洛戍南又東入

漢謂之會口漢水東南逕脩城道南與脩水合水

總二源東北合漢漢水又東南於槃頭郡南與濁

水合水出濁城北東流與丁令溪水會其水北出

丁令谷南逕武街城西東南入濁水濁水又東逕

武街城南故下辨縣治也李倉李稚以氏王楊敵

堅妻死葬陰平襲武街為氏所殺於此矣按華陽國志十

六國春秋並云氏王楊茂搜子難敵堅頭為劉曜所破奔晉壽守將李稚受其賂遺不送成都遣難敵兄弟還武都遂即叛稚與兄侍中珍攻難敵由

白水橋進攻下辨而珍弟珍攻陰平難敵遣軍拒

珍而含稚徑全下辨武街難敵絕其歸路四面攻

之深入無繼皆為氏衆所殺此云楊敵堅妻死葬

陰平所今廣業宋本作郡治濁水又東宏體水


宋本注之水北出溪南逕武街城東而南流注于

濁水濁水又東逕白石縣南續漢書曰虞詡為武

都太守下辨東三十餘里有峽峽中當一作水生

大石障塞水流春夏輒潰溢敗壞城郭詡使燒石

以水灌之石皆碎裂因鑄去焉後漢書虞詡傳注






引續書云以水灌之石皆坼裂因鑄去石遂無泛溢之害濁水即白水

之異名也濁水又東南渥陽水北出渥谷南逕白石縣東而南入濁水濁水又東南與仇鳩水合水發鳩溪南逕河池縣故城西王莽之樂平亭也其水西南流注濁水濁水又東南與河池水合水出河池北谷南逕河池戍東西南入濁水濁水東南兩當水注之水出陳倉縣之大散嶺西南流入故道川謂之故道水西南逕故道城東魏征仇池築以置戍與馬鞍山水合水東出馬鞍山歷谷西流至故道城東西入故道水西南流北川水注之水

出北洛嶺山南南流逕唐倉城下南至困豕川入故道水故道水又西南歷廣香交合廣香川水水出南田縣利喬山一作穆南流至廣香川謂宋本之

廣香川水又南注故道水謂之廣香交故道水又西南入秦岡山尚婆水注之山高入雲遠望增狀若嶺紆曦軒峰駐月駕矣懸崖之側列壁之上有神象若圖指狀婦人之容其形上赤下白世名之曰聖女神至於福應愆違方俗是祈水源北出利喬山南逕尚婆川謂之尚婆水歷兩當縣之尚婆城南魏故道郡治也西南至山入故道水故道





水右又合黃盧山水。水出西北。天水郡黃盧山腹。歷谷南流。交注故道水。故道水南入東益州之廣業。宋本作廣漢郡界與沮水枝津合。謂之兩當溪。虞詡承武都沮縣之沮水。瀆西南流。注于兩當溪。虞詡為郡。漕穀布在沮。從沮縣至下辨。山道嶮絕。水中多石。舟車不通。驢馬負運。僦五致一。詡乃於沮受僦。直約自致之。即將吏民。按行皆燒石。斫木。開漕船道。水運通利。歲省萬計。以其僦廩與吏士。年四十餘萬也。後漢書作燒石。斫木。開漕船道。以人僦。直雇借傭者。於是水運通利。歲省四十餘萬。又西南注于濁水。濁水南逕槃頭郡。東而南合

鳳溪水。水上承濁水於廣業。一作廣漢郡南。逕鳳溪中。

有二石雙高。其形若闕。漢世有鳳凰至。舊本作鳳。鳳上疑當

作止。吳本作至。故謂之鳳凰臺。北去郡三里。水出臺下。東

南流。左注濁水。濁水又南注漢水。漢水又東南歷

漢曲。逕挾崖。與挾崖水合。水西出檐潭。交東流入

漢水。漢水又東逕武興城南。又東南與北谷水合。

水出武興東北。而西南逕武興城北。謂之北谷水。

南轉逕其城東。而南與一水合。水出東溪。西流注

北谷水。又南流注漢水。漢水又西南逕關城北。除

水出西北。除漢。宋本作除溪。東南流入于漢。漢水又西

